



**Ebazpena, 2021eko martxoaren 5koa, Hezkuntza Saileko Langileak Kudeaketako zuzendariarena, zeinaren bidez irekitzen baita Euskal Autonomia Erkidegoko unibertsitateaz kanpoko ikastetxe publikoetan 2021/2022 ikasturterako ordezkogaien zerrenda urtero birbarematzeko prozedura**

---

Eusko Jaurlaritzako Hezkuntza, Unibertsitate eta Ikerketa sailburuaren 2012ko abuztuaren 27ko aginduak, Euskal Autonomia Erkidegoko unibertsitateaz kanpoko ikastetxe publikoetan pertsonal irakasleen aldi baterako premiak betetzeko ordezkogaien zerrenda kudeatzeari buruzko araudia onartzen duenak, V. kapituluan eta Eusko Jaurlaritzako Hezkuntza, Unibertsitate eta Ikerketa Saileko lan-legepeko irakaskuntza-eta hezkuntza-pertsonalaren hitzarmen kolektiboak III. eranskinean xedatutakoaren arabera, urtero, ikasturteak bukatu aurretik, ofizioz birbarematzen dira zerrendetan dauden ordezkogaien merezimenduak.

Birbarematze-prozesu horri hasiera emango zaio honen bidez: ordezkogai bakoitzari bere fitxa jarriko zaio eskura beti ere egindako birbarematzearen emaitzekin, eta, ados egon ezean, alegazioak aurkezteko epe bat finkatuko da. Zerrenda orokorrean dauden pertsonak, aipatutako epe horren barruan, ondokoa egiteko aukera ere izango dute: aukeretan aldaketak sartzeko, merezimendu berriak alegatzeko eta dokumentazio berria aurkezteko. Zerrenda bereizietako pertsonak (zerrenda orokorrean ez daudenek) ere aukera izango dute alegazioak egiteko eta merezimendu berriak aurkezteko; baina, ordezkapenak egiteko aukerei dagokienez, zerrenda bereizian sartzea eragin zuen zerrenda irekitzean adierazi zituztenekin jarraituko dute.

Prozedura horretan, eta, ondorioz, prozeduratik ateratzen diren zerrendetan, behin betiko integratuko dira aurreko eta egungo birbaremazio-prozeduraren artean ebatzitako zerrenden irekieretan onartuak izan diren pertsonak, bai eta irekita mantentzen diren zerrendetan sartzeko 2021eko urtarrilaren 31a baino lehenago eskaera egin duten pertsonak eta zerrendetan sartzeko baldintzak betetzen dituztenak.

Bestalde, honako kasu hauetan dauden pertsonak kanporatuko dira: erretiroa hartu dutenak eta heriotza edo ezintasun iraunkor egoeran daudenak.

Horrenbestez,

**XEDATU DUT**

**Lehenengoa.-** Irekitzea urteroko birbarematzeko prozedura; hau, 2021/2022 ikasturtean Euskal Autonomia Erkidegoko unibertsitateaz kanpoko ikastetxe publikoetan ordezkapenak egiteko ordezkogaien zerrendarako izango da.

**Bigarrena.-** Hautagaien fitxak argitaratzea 2021eko martxoaren 11tik 22ra. Fitxa horietan, pertsona bakoitzaren datuak, ordezkapen-aukerak eta merezimenduen birbaremazioa jasoko dira.



Interneteko helbide honetan ikusi eta inprimatu ahal izango dira: [www.irakasle.eus](http://www.irakasle.eus) (sartu NAN/AIZ eta pasahitza) - Ordezkogaien birbaremazioa – Hautagai-fitxa. Pasahitza gogoratu ezean edo galdu baduzu, beste pasahitz bat lortu ahal izango duzu [www.irakasle.eus](http://www.irakasle.eus) helbidean – Pasahitza eskuratu (edo berreskuratu).

**Hirugarrena.**- 2021eko martxoaren 11tik 22ra bitarteko epea irekitzea identifikazio-datuak eta aukerak aldatzeko, aldatutako aukerekin edo merezimendu berriekin lotutako dokumentazio berria aurkezteko edo egokitzat jotzen diren alegazioak egiteko. Jarduera horiek guztiak telematikoki egingo dira, [www.irakasle.eus](http://www.irakasle.eus) helbidearen bidez (sartu NAN/AIZ eta pasahitza) - Ordezkogaien birbaremazioa – Aukerak aldatzea/dokumentazioa entregatzea.

**Laugarrena.**- Zerrenda berrietan sartzeko baldintzak eta merezimenduak 2021eko martxoaren 22an eduki behar dira, esperientziari buruzko merezimenduak izan ezik; horiek, 2021eko martxoaren 6ra arte zenbatuko dira.

**Bosgarrena.**- Dokumentazioa entregatzeko, beti ere COVID-19 koronairusak eragin duen salbuespenezko egoera kontuan hartuta eta, pertsonak elkartzea edo haien arteko hurbiltasuna dakarten jarduerak saihestuz, osasuna zein segurtasuna bermatzeko ezohiko neurriak hartu behar direnez, honako neurri hauek hartzen dira:

- 1.1 atalean aipatutakoak ez diren erakundeen mendeko **ikastetxe pribatuetan** eta ikastetxe publikoetan irakaskuntza-esperientzia egiaztatzeko, lan-kontratua, NANA eta lan-bizitza entregatuko dira aipatutako Interneteko helbidearen bidez. Salbuespen gisa, lan-kontratua aurkeztu ezin duenak ikastetxeko zuzendaritzak emandako ziurtagiria aurkeztuko du, Ikuskaritzaren oniritzirik gabe; hau da, Hezkuntza Sailak zuzenean jasoko du. Azken kasu horretan, lan-bizitza ere aurkeztu beharko da.

- **Argitalpenak** entregatzea (Arte dramatikoa eta Dantza espezialitateetan): adierazitako Interneteko helbidearen bidez, azalaren kopia, lehen 10 orrialdeak eta ISBN edo ISSN agertzen den orria entregatuko dira. Beharrezkoa bada, gerora, argitalpen osoa aurkezteko eskatu ahal izango da.

- Erljio Katolikoaren zerrendan sartutako hautagaien **Missio Kanonikoaren** urteroko berritzea: hautagaiek eskaera egin beharko diote Erljioa ematen jarraitu nahi duten Lurralde Historietako Gotzaindegiei, beti ere ebazpen honen bigarren atalean ezarritako epearen barruan. Eskera honako mezu elektronikoen bidez egingo da:

Araba/Álava: [educacion@diocesisvitoria.org](mailto:educacion@diocesisvitoria.org)

Bizkaia: [hezkuntza@bizkeliza.org](mailto:hezkuntza@bizkeliza.org)

Gipuzkoa: [irakaskuntza@elizagipuzkoa.org](mailto:irakaskuntza@elizagipuzkoa.org)

Era berean, zerrenda horretan lehen aldiz izena eman nahi izanez gero, adierazitako mezu elektronikoen bidez Missio kanonikoa eskatu beharko da.

**Seigarrena.**- Birbaremazio-prozedura honetan, honako hauek sartuko dira ordezkogaien zerrendan:



- 2019/2020 ikasturtean zerrenden irekieran onartutako pertsonak, beti ere 2020/2021 ikasturterako birbaremazio-prozeduran sartu ez zirenak.
- 2020/2021 ikasturtean egindako zerrenden irekieretan onartutako pertsonak, haien behin betiko zerrendak birbaremazio-prozedura hau hasi aurretik argitaratu badira.
- 2021eko urtarrilaren 31ra arte (egun hori barne) irekita mantentzen diren zerrendetan sartzeko eskabideak aurkeztu dituzten pertsonak, baldin eta sartzeko baldintzak betetzen badituzte.

**Zazpigarrena.-** Irekita mantentzen diren zerrendei dagokienez, ebazpen honen I. eranskinean (\*) honako hauen berri ematea:

- 2021eko urtarrilaren 31ra arte zerrendetan sartzeko eskabidea aurkeztu duten eta sartzeko baldintzak betetzen dituzten pertsonen zerrenda.
- 2021eko urtarrilaren 31ra arte zerrendetan sartzeko eskabidea aurkeztu duten baina sartzeko baldintzak betetzen ez dituzten pertsonen zerrenda. Pertsona horiek nahi dituzten alegazioak aurkeztu ahal izango dituzte birbaremazio-prozesu honen barruan, ebazpen honen bigarren atalean adierazitako epean.

**Zortzigarrena.-** Argitara ematea, ebazpen honen II. eranskinean (\*), zerrendatik kanpo geratu behar duten pertsonen zerrenda, honako kasu hauetan daudelako: erretiroa hartuta eta heriotza edo ezintasun iraunkor egoeran.

**BLANCA MARÍA GUERRERO OCEJO  
LANGILEAK KUDEATZEKO ZUZENDARIA**

Vitoria-Gasteiz, 2021eko martxoaren 5a

(\*)Consultar anexos en [www.irakasle.eus](http://www.irakasle.eus) – Rebaremación candidatos/as a sustituciones